



Nicky Punter, Rheolwr Llinell, Dysgu a Datblygu Addysg

Yn ystod yr amser y bu Chloe yma, fe weithiodd hi'n ddiflino tuag at ei Phrentisiaeth a'i chwblhau cyn y dyddiad cau o 12 mis. Nid oedd Chloe wedi gweithio i'r GIG o'r blaen ac fe wnaeth hi ymgartrefu'n dda yn ei rôl, gan gyfathrebu'n llwyddiannus gyda chydweithwyr o bob graddfa/oedran. Roedd Chloe'n gweithio'n galed i flaenoriaethu tasgau a bodloni gofynion/cadw at derfynau amser a oedd yn ddisgwyliedig gan yr Adran. Yn ystod ei Phrentisiaeth, fe wnaeth Chloe gydbwysu gofynion ei Phrentisiaeth/anghenion yr adran a gweithio o dan arweiniad goruchwyliwr. Doedd gan Chloe ddim profiad o waith gweinyddol a doedd hi ddim yn ymwybodol sut i flaenoriaethu a gosod tasgau i'w hunan. Roedd Chloe yn ceisio dyfalu beth oedd yn rhaid iddi wneud ac roedd hi'n amharod i ofyn am gyngor. Fodd bynnag, mae hi bellach wedi ffynnu yn y maes hwn, yn gadarnhaol ac yn hyderus wrth ofyn am eglurder pan yn trafod tasgau/blaenoriaethau.

Pan gafodd ei phenodi, roedd Chloe yn dawedog wrth ateb ymholiadau dros y ffôn ac roedd hi'n eu trosglwyddo at eraill heb ymchwilio ymhellach. Gyda Hyfforddiant gan ei Goruchwyliwr, roedd hi'n deall ei bod hi'n gallu ymdopi ag ymholiadau, ac fe ddaeth yn abl i wneud hynny. Fe gafodd cyfrif e-bost LED ei neilltuo iddi yn annibynnol. Fe wnaeth Chloe gwblhau ei chymhwyster Llythrennedd Digidol a magu hyfedredd mewn defnyddio systemau TG, gan gynnwys defnyddio ein Cofnod Staff Electronig. Mae'r system yn System Rheoli Dysgu gymhleth, sy'n anodd i lawer o staff, ond eto mae Chloe wedi llwyddo i gyflawni tasgau ESR cymhleth. Mae Chloe yn ased hynod werthfawr pan ddaw i gyflawni tasgau gweinyddol a dyletswyddau hanfodol i Adran fawr LED. Mae gan ein BIP tua 15,000 aelod o staff, mewn amrywiaeth o swyddi, sy'n gweithio ar draws ardal ddaearyddol fawr a mwy nag un safle. Mae gan Chloe sgiliau cydlynu a threfnu sy'n addas i'r Sefydliad cymhleth hwn.

